

UGOVOR
o nabavci opreme za potrebe opremanja objekta za
obuku kadrova Grkarica Igman – LOT 2 (nabavka agregata)

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, kojeg zastupa ministar Admir Katica (u daljem tekstu: Kupac)**
2. **“Energoinvest -SUE” d.o.o. Sarajevo, ulica Tvornička 3, kojeg zastupa direktor Suzan Hota, (u daljem tekstu: Prodavac)**

PREDMET UGOVORA

član 1.

Predmet ugovora je nabavka opreme za potrebe opremanja objekta za obuku kadrova Grkarica Igman LOT 2 (nabavka agregata), nakon provedenog otvorenog postupka sa podjelom na LOT-ove uz primjenu e-aukcije, a na osnovu Odluke broj 01-14-4-6541 od 22.11.2019. godine i Obavještenja o nabavci broj 1364-1-1-64-3-45/19 od 22.11.2019. godine.

Ponuda Prodavca broj 1334-ES/19 od 06.12.2019. godine kao i Izvještaj o provedenoj e-aukciji čine sastavni dio ovog ugovora.

CIJENA

član 2.

Cijena za robu iz člana 1. ovog ugovora sa uključenim PDV-om, nakon provedene e-aukcije iznosi 29.250,00 KM (dvadesetdevethiljadadvijestotinedeset i 00/100).

NAČIN PLAĆANJA

član 3.

Kupac će Prodavcu izvršiti plaćanje ugovorene vrijednosti iz člana 2. ovog ugovora u roku od 15 (petnaest) dana od dana isporuke i dostavljanja fakture.

ROK ISPORUKE

član 4.

Prodavac se obavezuje da će isporuku i montažu izvršiti u roku od trideset (30) dana od obostranog potpisivanja ugovora, a mjesto isporuke je objekat za obuku kadrova Grkarica Igman.

U slučaju kašnjenja u isporuci roba/pružanju usluga/izvođenju radova, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe/usluge /radova, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

GARANTNI ROK ZA

član 5.

Prodavac daje garanciju na isporučenu opremu od dvadeset četiri (24) mjeseca od dana isporuke.

Sve naknadne troškove nastale nakon isporuke robe, a koje se odnose na zamjenu oštećenih roba kao i neodgovarajućeg kvaliteta koje je potrebno zamijeniti, osim šteta koje izazovu operateri Kupca, ili koji nastanu njihovim uticajem, snosit će Prodavac i sve takve eventualne isporuke bit će za Kupca besplatne i isporučene.

član 6.

Prodavac se obavezuje da će dostaviti bankovnu garanciju za izvršenje ugovora u iznosu 10% ugovorene vrijednosti, u roku od deset (10) dana od dana obostranog potpisivanja ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti rok izvršenja ugovornih obaveza + 30 dana.

ODGOVORNOST I VIŠA SILA

član 7.

Ugovorne strane su se sporazumjele da će sve eventualne sporove nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

ZAVRŠNE ODREDBE

član 8.

Ugovor stupa na snagu potpisivanjem ugovornih strana, a traje do realizacije ugovorene isporuke.

član 9.

Ovaj ugovor sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

PRODAVAC
"Energoinvest-SUE"

direktor
Suzan Hota

Datum: 30.12.2019.g.
Broj: 3631-2728/19

KUPAC
MINISTARSTVO UNUTRAŠNJI POSLOVA
KANTONA SARAJEVO

ministar
Admir Katica

Datum: 27.12.2019. g.
Broj: 01-14-4-6541-5

(Handwritten signature)